

MS 88

[FOTO REUTERS]



Pemain Liverpool, Roberto Firmino cedera pada aksi Liga Perdana Inggeris menentang United, Ahad lalu.

'Liverpool bukan calon juara'

➔ Solskjaer anggap The Reds tiada dimensi, kreativiti

Manchester

Pengendali sementara Manchester United, Ole Gunnar Solskjaer menegaskan Liverpool masih belum cukup bagus untuk memenangi gelaran Liga Perdana Inggeris (EPL).

Solskjaer dilaporkan memberitahu barisan pemainnya dia tidak begitu yakin dengan persembahan yang ditunjukkan skuad The Reds itu selepas mereka terikat tanpa jaringan pada aksi yang berlangsung Ahad lalu.

United mudah mengikat pendahulu liga itu meskipun berdepan krisis kecederaan dan Solskjaer dilaporkan 'mengutuk' kualiti yang dimiliki Liverpool.

Sumber United memberitahu The Sun 'Ole secara terus terang memberitahu kepada pemainnya bahawa Liverpool tidak akan dapat menewaskan Manchester

City untuk perebutan juara liga.

Satu percubaan tepat

"Dia berasakan Liverpool pasukan yang tidak memiliki dimensi dan kurang kreatif. Padahal, Manchester United adalah pasukan yang lebih baik berbanding Liverpool."

Keputusan seri itu sudah cukup buat Liverpool kembali mendahului liga namun timbul persoalan terhadap kemampuan mereka untuk terus memberi saingan kepada City.

Anak buah Jurgen Klopp itu hanya mempunyai kelebihan satu mata dengan aksi hanya

berbaki 11 perlawanan.

Klopp juga dilihat tidak gembira dengan persembahan yang ditunjukkan oleh anak buahnya selepas menguasai 65 peratus permainan namun hanya mampu melakukan satu percubaan tepat.

Perlawanan itu dibayangi dengan beberapa insiden kecederaan pada babak pertama dengan tuah rumah kehilangan Ander Herrera, Juan Mata dan Jesse Lingard sementara pelawat terpaksa menggantikan Roberto Firmino dengan Daniel Sturridge selepas setengah jam.

AGENSI